

中華郵政總局特准掛號認爲新聞紙類

中華民國七年二月二十六日出版

京兆公報

第三十期 星期二

京兆公報處啓 本報自一月分起凡公署
 每日所挂呈批均已全數登載報端如有
 查閱批詞者請即赴本處購查可也

本報招登廣告價目表

(刊資先繳長期另議)

地 方 廣 告	每 期	一 頁 八 元	半 頁 五 元	四 分 之 一 三 元
------------------	--------	------------------	------------------	----------------------------

注 意

如郵匯不通之處可用郵票代價(以
 三分之郵票爲限)惟郵票以九折計
 算

京兆公報第三十期目錄

命令

大總統令

大總統布告

公牘

各部院公牘

教育部咨送霸永合立高小校長鞏卓倫褒章執照請轉發文

內務部訓令據報載湯山附近已發見疫症仰即派員切實查覆文

內務部訓令直隸平山縣境內發見疫症現於京漢鐵路良鄉等處車站設立隔離檢驗所仰飭該管縣知事

實力贊助文

本公署公牘

咨覆順直省議會據大興縣知事呈覆查訊王連弟情形咨請查照文

訓令二十縣知事准鹽務署函凡私製私運火硝者應犯刑律第二百零五條之罪令仰遵照文

訓令京兆財政廳據昌平縣知事呈為稅款請准搭解已徵票洋並請示行政費可否按現金收入搭給等情

令仰查核飭遵文

目錄

訓令 二十縣知事准教育部咨學校證書願書貼用印花辦法經與財政部咨商作為通案請飭屬遵辦令仰各學校校長

知照文

訓令 二十縣知事各於地方會計經理處設置查賬員並發規則八條仰即遵辦文(附規則)

訓令 薊縣知事據視學員報告該縣學務情形並擬進行方法仰即遵照辦理文

訓令 二十縣知事奉內務部令嗣後京兆各縣拓送碑碣應選用白細柔韌紙張精工拓印俾資保存令仰遵辦文

指令 安次縣知事呈據區董等議決統計處地方會計經理處並女子學校經費辦法文

指令 薊縣知事呈為公民王甫久捐貲興學請給獎文

指令 京兆菸酒公賣局呈報接收京直劃分菸酒稅課情形文

指令 大興縣知事呈覆查訊王連第等情形文

指令 涿縣會呈糧賦正款暫行借墊並監收帶征各款儘先歸還請立案文

指令 昌平縣知事呈覆各項稅項適當搭解現金惟以前征收票洋請准照解再行行政費可否照現金收入按成搭給請示文

指令 京兆財政廳呈永清縣征收書記徐鳴山等遺失串票一案據呈報審辦並查明遺失串票號碼各情形

附送判決書文

指令 涿縣知事呈報房樹村籌設粥廠情形並附規則文(附原呈)

指令良鄉縣知事呈報籌設災民留養粥廠開辦日期文(附原呈)

批寶坻縣人王如恪呈請轉呈簡員會勘修治潮白北運辦法文

批前安次縣講演員董連秀等呈為講演機關無形消滅請澈查文

批薊縣人翁士權呈為所長乾沒公款偽造計算請查辦文

批灰行代表姜凌雲等呈為成興順灰棧違章破壞公益請查辦文

批良鄉縣人邢永寬呈控汛弁李蘭榮不給料價請飭速償文

批寶坻縣人鄧士瑞呈為仍請調查河工印冊飭縣秉公判決文

批克王府吳森呈為請飭宛平縣發給保護地產佈告文

批德張氏呈為遺地有著請飭安次縣知事嚴追文

批懷柔縣人曹榮禧等呈控鍾振英等運動不遂誣控縣長文

批懷柔縣人劉永瑞等呈為王知事辭職請准挽留文

批密雲縣人朱爾興呈為與鄧希孟因道路糾葛一案請飭縣訊辦文

批懷柔縣人杜文縉等呈為聯名公保王縣長留任文

批三河縣人劉永泉呈為侵佔官道妨害公安請查辦文

批木行代表王鳳五呈為通縣關帝廟私產涉訟一案文

批通縣人左寶善呈為禮房積壓判詞私行差帶請查辦文

批于獻墀呈爲三河屬圈地請飭查減糧額文

批懷柔縣人劉九山等呈爲劣紳劉崇仁等積惡多端請查辦文

批楊殿英等呈爲購運硝磺准陸軍部函准予分別填發護照文

批通縣人吳國鼎呈爲順義縣納糧不收紙幣請批示文

批三河寶坻等縣商會呈明裁撤船捐永不恢復辦法文

批三河縣人周廷錄呈爲設計捐害債權請令押追文

批懷柔縣人劉九山等呈請將劉崇仁等提交法庭審辦文

批順義縣人翟俊呈請飭縣照章施行拘攝文

批三河縣人郝禮章等呈爲查災不實放賑不公等情文

批酒商甯子衡等呈爲公賣定章酷苛請更訂文

批董機昌呈伊父董開沅在差病故請給卹文

批韓述獻呈爲京兆必須設立總商會之理由並附章程文

批留日學生路毓祉呈請發給學費文

批三河縣人張國豐等呈爲案關刑事久不傳訊再請飭判文

批順義縣人李向榮呈爲知事違法妨碍稅務請查辦文

批楊家麒等呈請統籌堤款以一事權而弭水患文

批安次縣人馬萬和等呈爲北七塔閉請委查保護文

批德張氏呈送全案判詞請飭縣訊追地冊附件文

批張全福呈爲范華庭勾串刑房私押請查究文

京兆財政廳公牘

京兆財政廳訓令二十縣知事本廳印製各種串票暨徵收糧租通知書仰即派差具領並發征收流水簿式

文

公電

本公署查疫委員左少瑩快郵代電

附錄

京兆警備隊總司令處執法科科長左少瑩呈內務部條陳鼠疫流行預防方法

◎ 命 令 ◎

大總統令二月二日

特任何宗蓮爲弼威將軍此令

大總統令二月二日

陸軍總長段芝貴呈瓊崖鎮守使陸蘭清久未到任應請免去本職陸蘭清著即免職此令

大總統令二月二日

任命龍裕光爲瓊崖鎮守使此令

大總統令二月二日

任命陳選齡爲川邊鎮守使此令

大總統令二月四日

前據督軍曹錕等電呈稱時事多艱人材難得查有梁士詒朱啓鈴周自齊等三人前因政治嫌疑奉令通緝嗣於上年七月間軍事猝起奔走擘畫多所裨助擬懇略迹原心復其自由等語梁士詒朱啓鈴周自齊等三人均准免予緝究以從寬典此令

大總統令二月五日

命令

命令

二

譚浩明等擁衆恣橫甘爲戎首前已有令聲罪致討譚浩明以現任督軍不思綏緝封圻恪盡軍寄之責乃竟自稱聯軍總司令率領所部侵暴鄰疆若再濫厠軍職何以申明紀律警戒來茲署廣西督軍陸軍中將譚浩明著即行褫奪官職暨勳位勳章由前路總司令等一體拏辦其他附亂軍官並著陸軍部查明懲處以彰國法而儆效尤此令

大總統令 二月五日

前因湖南督軍傅良佐代理省長周肇祥擅離職守曾令免職查辦兩月以來荆襄叛變岳州失守士卒傷亡之衆人民流離之慘深愴予懷追論前愆該前督等實難辭失律僨事之咎傅良佐一案著即組織軍法會審嚴行審辦周肇祥職司守土遇變輕逃並著交文官高等懲戒委員會依法懲戒以肅綱紀而儆方來此令

大總統令 二月五日

江西督軍陳光遠於湖南戰役疊有電令進援乃該督軍託故延緩致誤湘局殊難辭咎陳光遠著褫去上將銜陸軍中將仍留督軍本職俾其奮勉圖功以策後效此令

大總統令 二月五日

陸軍第八師師長王汝賢前令以總司令代行湘督職務督同第二十師師長范國璋保守長沙立功自贖乃竟相繼挫敗省垣不守此次岳州防務范國璋所部又復先行潰退總司令王金鏡身任重寄調度乖方以致岳城失陷均屬咎有應得主汝賢范國璋均著褫奪軍官勳位勳章交曹錕嚴行察看留營効力贖罪王金鏡

著褫奪勳位勳章撤銷上將銜總司令以示懲儆此令

大總統令 二月五日

署司法總長江庸呈稱陳錦濤因案判處三等有期徒刑惟細閱卷宗究無堅確證據擬請准予特赦以昭平允等語本大總統依照約法第四十條特赦陳錦濤將原判刑期免其執行以示罪疑惟輕之意此令

大總統令 二月五日

任命吳佩孚署理陸軍第三師師長此令

大總統令 二月七日

湖北督軍王占元電呈陸軍中將勳三位二等嘉禾章二等文虎章王安瀾陸軍中將勳三位二等文虎章唐克明即黎本唐結匪逞亂在隨棗沙市一帶焚毀搶掠糜爛地方現復分竄荊門公安等處請予褫奪擊辦等語王安瀾唐克明均著褫奪官職暨勳位勳章並由該督軍分行各路軍隊嚴拏懲辦以肅軍紀而彰國法此令

大總統令 二月九日

特授李炳之以勳五位此令

大總統令 二月十一日

任命王懷慶幫辦直隸軍務此令

命令

命令

大總統令 二月十一日

任命夏詒霆爲駐巴西國特命全權公使兼充駐秘魯國特命全權公使此令

大總統令 二月十一日

陸軍第二師師長王金鏡著即免職交由曹錕軍前委用以策後效此令

大總統令 二月十一日

任命王占元暫兼陸軍第二師師長此令

四

大總統布告 二月五日

立國之道綱紀爲先果頑梗不易強馴則征討自非得已上年湖南事起閣議主張用兵國璋獨軫念時艱欲民小息雖於內閣政策亦復一致贊同但冀以武裝促進和平而未嘗以力征誓於有衆堅冰之漸固有由來迨前湖南督軍傅良佐棄職輕逃前援湘總司令王汝賢副司令范國璋接踵潰退長沙陷落大損國威前國務總理段祺瑞暨各國務員等以軍事失敗政策撓屈引爲己責先後呈准辭職國璋於此正宜申明紀律激勵戎行奮一鼓之威作三軍之氣乃因湘有停止進兵之電粵有取消自主之言信讓步爲輸誠認甘言爲悔禍方謂干戈浩劫猶可萬一挽回同科其非盡真誠而終思要以信義於是布告息爭以冀共維大局孰意譚浩明等反覆恣肆攻破岳州今則攘奪權利之私實已昭然若揭不得不大張撻伐一剪兇殘然苦我商民勞我師旅追溯既往咎果誰歸傅良佐等僨事失機固各有應得之罪而舉措之柄操之中央循省藐躬殊多慙德兵先論將往哲有言泛駕之材詎可輕馭國璋不審傅良佐等之躁率而任用之是無知人之明也叛軍倖勝反議弭兵內訌終凶言之成理國璋欲慰大多數人之希望而徑許之是無料事之智也思拯生靈於塗炭而結果乃重擾閭閻思措大局於安全而現狀乃愈趨莽亂委曲遷就事與願違是國璋之小信未能感孚而薄德不堪負荷也耳目爭屬責備難寬既叢墨戾於一身敢辱高位以速謗惟攝職本出約法詎容輕卸仔肩鄂疆再起兵端尤應勉紓籌策所望臨敵之將領軍隊取鑒前車各行省區域長官共圖後盾總期大勳川集

布告

五

布告

六

我武維揚俾秩序漸復舊觀蒼赤稍蘇喘息國璋即當返我初服以謝國人耿耿寸心願盟息壤凡百君子其敬聽之特此布告

◎ 公 牘 ◎

◎ 各部院公牘 ◎

教育部咨送霸永合立高小校長鞏卓倫褒章執照請轉發文一月三十一日

爲咨行事准咨呈內開霸永合立高小校長鞏卓倫捐貲興學請予核獎等因並送事實表清摺到部查鞏卓倫自捐薪水充作霸永合立高等小學校建築之用洵屬好義急公核其所捐數目與修正捐貲興學褒獎條例第二條第四項之規定相符合應給予金色三等褒章以昭激勸相應檢同褒章執照咨送貴署查照轉發可也此咨

內務部訓令據報載湯山附近已發見疫症仰即派員切實查覆文二月九日

據一月三十一日英文北京導報登載湯山附近地方已死旅客十人皆斃於疫其餘之旅客現居安定門外等語是否屬實關係至重除已由部派傳染病院院長嚴智鐘親往該處實地考察外合行令仰該尹迅派妥員切實查復以憑核辦此令

內務部訓令直隸平山縣境內發見疫症現於京漢鐵路良鄉等處車站設立隔離檢驗

所仰飭該管縣知事實力贊助文二月九日

查直隸平山縣境內現據報告確已發見疫症京漢路線極關緊要已會同交通部飭京漢鐵路管理局於良

鄉琉璃河高碑居保定定縣正定石家庄高邑順德各車站設立隔離檢驗等所檢查防範所需房屋甚爲急迫已分電各該管縣知事於轄境內車站各棧房租定地點協助辦理所有租價均由京漢路局照付除電行直隸省長外合亟令仰該尹轉飭各該管縣知事務須實力贊助免遭傳染致有停車情事並剴切曉諭人民毋滋疑慮是所切要此令

● 本公署公牘 ●

咨覆順直省議會據大興縣知事呈覆查訊王連第情形咨請查照文 一月十八日

京兆尹公署爲咨覆事案准貴會咨開案據大興縣公民張德新等陳請轉咨指令警備隊南路司令陳冠調換北新店隊長王永珍並指令大興縣開釋王連第父子以伸冤情而安鄉閭等情一案由貴會議員介紹到會審查可決請查照辦理附抄原書等因准此當即照錄陳請書轉令大興縣知事遵照前往澈底根查並秉公審訊據實呈復勿稍徇隱去後茲據呈復內稱奉令查此案係於六年十二月九日准警備隊南路司令咨開據本路差遣馬隊隊長王國興呈報據正目祁雲瑞報稱本月四日帶兵楊玉春季興胡忠秀等三名下道巡邏行至南大紅門地方見地旁有玉米麪餅塊當在遍地檢拾見餅子上有綠色細視確係紅馨和麵烙成查本隊隊兵辛文彬傅壽亭之馬均係服食毒物倒斃遂查該地係大紅門居住民人王連第之地正目等遂將餅塊兜起尋往王連第家內將王連第并伊子王志同至該地質問確係伊自己之地據云並無拋扔紅馨餅子情由聞得伊之本族王文生地內日前曾有紅馨餅子發現今在伊地又有此餅子與王文生所檢之物

聽說一顯係王文生拋移伊地以爲移禍等語遂分派稽查密查據覆稱王文生地內於陰歷十月十七日曾發見紅鑿餅子毒斃伊日已驟馬牛馱各一頭是否移禍相應送請究辦等因准此當將王連第王志提庭研訊供無拋扔毒餅行爲覆飭該管第一警所詳細調查旋據覆稱查得王文生家道小康平素人亦端正並無拋棄毒餅情事且伊家牲畜亦係因食毒餅致命又查王連第係該村殷實之戶鄉望素孚充任第二分駐所警董多年人極和順亦無棄毒害畜行爲自係另有匪徒含怨所致委非王連第等所爲等情呈覆前來覆訊王連第等供詞真切毫無嫌疑已於六年十二月三十一日當庭開釋在案茲奉前因理合將此案查訊開釋各緣由具文呈請查核等情前來查此案據該縣知事查復王連第並無棄毒害畜行爲自係另有匪徒挾怨所致已於六年十二月三十一日開釋在案是此案既經完結勿庸置議相應咨復貴會查照此咨

訓令二十縣知事准鹽務署函凡私製私運火硝者應犯刑律第二百零五條之罪令仰

遵照文一月三十日

案准鹽務署函開逕啓者查火硝一物爲製造軍火原料部署前於民國四年五月間奉前大總統批准開辦官硝廠在於直隸山東河南等處分設各廠採製火硝以供各兵工廠製造軍火之用除兵工廠自製火硝外凡在直東豫三省境內硝戶非經官硝廠之特許不得製造即官硝廠採製之火硝亦非有陸軍部之執照不得購運此項火硝性質爆裂有關軍用在刑律上自應認爲軍用爆裂物之一種查暫行新刑律第十四章危險物罪第二百零五條未受公署之命令允准委任而製造收藏第二百零三條以外之軍用爆裂物者處四

等有期徒刑拘役或三百以下罰金等語是凡私製私運火硝者即屬構成刑律第二百零五條之罪行政官署緝獲此項刑事人犯自應移送法庭按律治罪以尊法權惟律文簡括非有明確之解釋或以爲律無正文辦理易涉歧誤當經部署咨請大理院解釋茲准復稱查火硝係軍用爆裂物私製私運者自應成立刑律第二百零五條之罪等因前來相應函請轉飭所屬地方官一體遵照可也等因准此除通令外合行令仰該縣遵照辦理此令

訓令京兆財政廳據昌平縣知事呈爲稅款請准搭解已徵票洋並請示行政費可否按

現金收入搭給等情令仰查核飭遵文一月三十一日

案據該廳擬復師範學校校長段茂森等呈請設法救濟一案請通令各縣將各項稅款搭解現金救濟預算辦法等情當經指令並分令各縣遵辦在案茲據昌平縣呈稱所有各項稅款收入奉文之日起祇當遵照令開各節辦理惟未奉令訓令之先屬縣此項稅款業已徵有票洋一千二百餘元伏乞憲台准予照解藉免賠累再嗣後屬縣每月行政經費可否按照現金收入按成搭給以資維持而示公允如予照准即由知事於收入現金項下按成扣除並乞令知財政廳俾發給通知書時以便填列等情前來除呈指令呈悉仰候令行財政廳查核令遵印發外合亟據情令行該廳仰即查核令遵可也此令

訓令 二十縣知事 准教育部咨學校征書願書貼用印花辦法經與財政部咨商作爲通案
各學校校長

請飭屬遵辦令仰知照文一月三十一日

案准教育部咨開爲咨行事查上年九月准福建省長咨開各縣高等小學校國民學校畢業證書及入學願書貼用印花辦法一案迭經本部與財政部咨商於推行新稅與普及教育雙方并願除中學以上學校願書證書仍照向章貼用外凡屬此種學校學生之轉學證書及修業期滿未經畢業所給之修業證書亦得酌令一律貼用又高等小學校及與同等程度之學校當可比照前項辦法辦理至國民學校畢業證書暫令貼用印花四分一俟將來稅務普及再行撤銷其入學願書在國民學校係屬強迫教育本部向無取具願書之規定自無從貼用印花等因在案茲准財政部咨開查此案迭經往復咨商於維護教育之中兼厲寬籌稅收之意本部自應贊同擬即分別明白規定作爲通案以免各省區辦法紛歧除中學校畢業證書貼用印花三角入學願書貼用印花四分專門學校以上各學校畢業證書貼印花五角入學願書貼印花一角載明關於人事證憑貼用印花條例又高等小學校畢業證書貼印花二角入學願書貼印花三分仍照江蘇等省呈准原案辦理外其中學以上各學校學生之轉學證書及修業期滿未經畢業所給之修業證書應即依照前咨酌令一律貼用應貼印花稅額均比照各該學校入學願書辦理專門以上各學校轉學證書修業證書貼印花一角中學校轉學證書修業證書貼印花四分至國民學校既准咨稱係屬義務教育即照來咨畢業證書貼印花四分其入學願書准其免貼印花等因前來相應咨請通令各屬遵照辦理等因到署准此除分行外合行令仰該縣遵照辦理切切此令

訓令二十縣知事各於地方會計經理處設置查賬員並發規則八條仰即遵辦文

二月一

查財政以公開而無弊事宜因合作以有功惟公開則全縣咸知真相誤會無由發生合作則共同計畫兼顧並籌自少偏枯之害以言各縣地方財政自振頓以來固已稍有基礎然或未和盤托出仍舊貫以圖便利或猶百計彌縫因疑慮而思隱飾經理處號為全縣會計經理機關僅不過管窺一斑不知全豹乃一則曰經理處無財政經驗莫名手續再則曰經理處乏支配能力難濟緩急於是收入獨操諸征收機關支出分屬於取給各界互不相謀所謂公開者安在以言各縣自治事宜則創辦既不同時進行自為統系甲之所舉乙輟所不顧此之所贏彼絀所不恤每一事之當興則臨渴而掘井每一稅之新設則群起以相爭各行其是所謂合作者又安在推原其故不外無全局之通籌守一隅之成見寢至各界城區相互間意見紛歧視同秦越凡此皆足障礙地方政治及之財政設施允宜滌除淨盡者茲于地方會計經理處設置查賬員舉學警自治各界人員聚謀一處俾一方面于該管事宜便宜主張一方面將全縣事宜共同討論于收入也但問有無此種款項有則即須撥劃經理處經理列入地方收入預算于事宜也但問此事是否當辦辦則即應列入地方支出預算款有不足羣力以籌措之用宜撙節秉公以減削之俾經理處不致虛設預算有別具文而各界非特僅知應管款項即全縣財政亦得瞭如指掌然後斟酌緩急通盤勻配分別約濫嚴加考核庶几款無虛糜事無偏廢合將規則八條隨令發下仰該知事即便遵照辦理並將令開大意剴切轉令各機關知照一面將遵辦情形具報查考此令

附規則

各縣地方會計經理處設置查賬員規則

第一條 地方會計經理處設置查賬員四人至六人並於經理處內設查賬員室

第二條 查賬員以下列人員由縣知事派充之並呈報京兆尹公署備案

(一)勸學所所長

(二)警察所警佐

(三)區

董

(四)其他辦理自治人員

第三條 查賬員為名譽職以原有職務為其任期

第四條 查賬員每月開通常會議一次並得隨時開臨時會議查賬員得僱用核算員一人其薪津酌給之

第五條 查賬員加入縣地方預決算會議其預決算案與交議時先由查賬員會計經理處正經理員及臨時推定之區董二人組織審查會審查之

第六條 查賬員得隨時檢閱地方會計經理處收支及存款簿據每屆月終地方會計經理處對於查賬員應造送收支報告

第七條 查賬員對於地方財政有意見時得陳述于縣知事採擇施行

第八條 本規則有未盡事宜得隨時修正之

訓令 薊縣知事據視學員報告該縣學務情形並擬進行方法仰即遵照辦理文二月二日

案據視學員劉繼勳視查該縣學務報告內稱該知事茹臨元精明穩健頗具幹才辦理學務頗稱盡力平時公餘輒親自下鄉查視學校對於管教之優劣頗知注意且為開通風氣計曾捐廉演戲借招鄉民輒於觀戲

人最多時登臺演說學校之利認真提倡頗著成效計該知事到任二年間已推廣學校六十餘處學生增加三千餘人成績不可謂不優惜該知事擔負力少弱有意避怨如籌提公產整頓學校等事雖由該知事親自查明亦不肯獨斷獨行必假借勸學所或教育會之報告根據執行雖屬甚重而地方辦學人或畏罪鄉里不敢積極進行者有之且進來該縣地方人與教育界屢起衝突未始非縣知事不肯受怨之過也以視學之觀察愚民之觀念多服從官長而忌同等人茲辦學及籌款純由縣知事担負功過利用辦學士紳之輔助運籌協力進行則該縣學務不但可收猛進之功而地方人反對學界之風潮亦可從此息矣又查該縣勸學所員辦事頗稱得力且能連合學界士紳群策群力一致進行現時該所辦學計畫注意在擴充如籌辦乙種農校擴充高小學校調查公產以推廣國民學校等計畫刻正積極進行不難達到目的他如縣教育會輔助教育進行不遺餘力立校籌款得力於該會員者頗多（按各縣教育會多同虛設獨該縣實獲其利足爲二十縣之特色）其他如自治區董亦不乏盡力學務成功可道者等語查該縣知事及勸學所長等對於學務或能認真辦理或知注意擴充良用嘉慰惟縣知事爲一縣行政長官對於興學即負完全責任當茲風氣未開之際所有教育事宜因有必須謹慎用詳方能推行無阻者亦有關重要必須立待施行者若遇事慎重藉避怨尤甚至親自查明認爲必要亦必假他機關之報告方能根據執行其何以收猛進之功而示提倡之意仰即出以熱誠副以毅力遇有應興應革諸端如確信行之無弊亦無妨出自親裁以地方員紳任其勞以行政長官任其怨庶人民觀聽自泯漠視之懷而教育前途或有普及之望矣切切此令

訓令二十縣知事奉內務部令嗣後京兆各縣拓送碑碣應選用白油柔靱紙張精工拓

印俾資保存令仰遵辦文二月六日

案奉內務部第四九號訓令內開查本部釐定保存古物暫行辦法第三條內開各處著名之石刻碑碣歷時愈久殘毀愈多不有拓本無從考核應責成地方官切實搜求凡現存者無論完全殘缺一律拓印二份直接郵寄本部以備考查並將所拓寄之種類數目分別呈報該管長官備案等語原以金石文字爲古物之大宗歷代碑碣存者尙多而近時出土亦復不少亟宜逐件拓印送部隨時考核惟拓印碑碣必須紙質堅韌精工精良始足以經久遠而資檢閱茲查京兆各縣送到拓件多有洋連紙者紙質挺脆既不濡墨亦易破碎嗣後各縣拓送碑碣應即一律選用本國舊法製造之白細柔韌紙張精工拓印送部俾資保存合亟令行查照通飭各縣遵照辦理等因奉此除分行外合亟令仰該縣遵照切實搜求凡有碑碣一律用精白紙張拓印逕呈查核並呈送本公署備案切切此令

指令安次縣知事呈據區董等議決統計處地方會計經理處並女學校經費辦法文

一月二十六日

據呈已悉查地方會計經理處爲掌理全縣地方財政機關至爲重要該縣早經呈報成立乃此次稱必須照章實行等語則前此敷衍搪塞不問可知應責令該知事即速組織完備照章認真辦理不得再行蒙蔽主統計處一節現在辦理統計亟應進行設處原無不可惟事關通案未便單獨恢復且事宜較少亦尙不須專立機關自應暫從緩議所有呈請徵收屠宰附加稅及斗行月捐兩項曾經令行財政廳核議具復在案應再令催復准時核令遵辦並由該縣預估收入數目專案呈請追加該縣地方收入預算同時將分配支用各款追

公牘
支出以符統收統支之意此令

十六

指令薊縣知事呈為公民王甫久捐貲興學請給獎文一月二十六日

呈表均悉該公民王甫久熱心學務捐助國民學校洋一百二十元核與捐貲興學褒獎條例第二條第一條相符應准獎給銀色三等褒章以昭激勸獎件隨發仰即轉飭祇領仍將領到日期由縣呈報查核此令表存

指令京兆菸酒公賣局呈報接收京直劃分菸酒稅課情形文一月二十六日

據呈已悉查此項菸酒稅直隸曾以之抵借奧款有案據稱全年收入為二十四萬餘元解部十七萬元下餘七萬餘元解廳備用而原借奧款應付每年本息是否仍須攤還并未聲叙仰即補呈備案并候咨行直隸行政公署轉令廳局知照此令

指令大興縣知事呈覆查訊王連第等情形文一月二十八日

呈悉除轉咨順直省議會查照外仰即知照此令

指令涿縣會呈糧賦正款暫行借墊並監收帶証各款儘先歸還請立案文一月二十九日

會呈已悉查此案前據該縣及勸學所長茅愷等呈所稱學款基金移存廣順錢店辦法情形各異曾經本公署派安科員維桐前往調查以憑核辦嗣據該員覆稱廣順錢店意存推諉該卸任知事復商同該現任知事擬辦法另文呈請核示等情茲據會呈擬由該卸任知事先將糧賦正項自行借墊呈繳以清解款再會同紳董一律結算各清各款其無的款者仍由該卸任知事墊付併與該現任知事商擬派員監收七年隨糧帶征以資歸墊等語係為通盤清理起見辦法自屬可行應准立案至該卸任知事辦理平糶借用之學款基

金現洋五千元京制錢三千吊前據聲明係屬暫借第一批未售竣後即行歸還現在平糶既停此項借款又與其他款項無涉仍應遵照本公署核准原案及本年第六五號訓令由該卸任知事即行照數撥還以維學款如將來會紳清算後學款果有虧欠應由勸學所長茅愷等負籌還責任如此則各清各款輾轉自清仰即遵照辦理具覆切切此令

指令昌平縣知事復各項稅款遵當搭解現金惟以前征收票洋請准照解再行政費可

否照現金收入接成搭給請示文 一月三十一日

據呈已悉仰候令行財政廳查核令遵可也此令

指令京兆財政廳呈永清縣征收書記徐鳴山等遺失串票一案據呈報審辦並查明遺

失串票號碼各情形附送判決書文 二月二日

據呈并判決書均悉應准備查此令

指令涿縣知事呈報房樹村籌設粥廠情形並附規則文 二月二日

據呈房樹村籌設粥廠開辦情形附規則均悉應准備案規則存此令

附原呈

爲呈請立案事案查接管卷內前擬在鄉區設立粥廠以恤災黎當因款項無着經前知事邀集紳董再三籌商擬先召集紳富勸捐米石木柴在房樹村設立粥廠一處正在籌辦間奉文交卸知事任事後當即繼

公牘

十七

續辦理前後共捐有小米七十八石連日復邀集四鄉紳富捐助銀元以便陸續購米爲延長粥廠之計涿邑當被災之後從前籌辦各項捐款已形竭蹶現在接續勸募益見困難然集腋成裘不無裨益刻尙勸辦未竣擬先行開廠散放即委任第六區區董張自修孫振東爲監理並令籌備一切茲據呈稱昨奉面諭設立粥廠回區趕緊籌辦茲已就緒地址在房樹村崇孝寺內以第六區區董爲監理後舉選主任二人董六人書記一人均爲名譽職員另募夫役十二名以供驅使今擬定一月二十六日開廠放粥懇請于二十五日派法警四名前來照料以維秩序謹規條十則附呈鑒核等情據此查所擬規則尙屬切實可行當經飭令認真經理該粥廠已于本月二十六日開辦知事親往查視男女到廠食粥者約計千人秩序尙屬整齊理合將設立房樹村粥廠辦理情形附錄原擬規則具文呈請鈞堂查核寔爲公便謹呈

謹將房樹村粥廠規則繕具清摺呈請

鑒核

- 第一則 鎮廠附近天災較重各村庄皆已調查給予食粥牌照如無牌照不得入廠
- 第二則 每日食粥人數定額八百名由各村村正副調查極貧之戶給予牌照
- 第三則 開廠時間自上午十一鐘起至下午兩鐘止食粥之人務于開廠以前驗視牌以便入廠
- 第四則 食粥之人男女分所由夫役按次開放食畢即行退出不准在廠逗留
- 第五則 食粥之人不得隨便出人任意喧嘩以免擾亂
- 第六則 食粥之人自備盥箸食飽不得盛粥私運出廠

第七則 所擬規條各宜遵守如有違犯即將牌照索回

第八則 本廠于舊歷年終停放三日再行籌辦

第九則 廠內夫役十二名悉聽主任指揮不得違抗

第十則 開廠時間不准閒雜人等入廠以防擁擠

以上各條如有未盡事宜得隨時添入

指令良鄉縣知事呈報籌設災民留養粥廠開辦日期文 二月五日

據呈報籌設留養粥廠開辦日期并簡章均悉此項粥廠由該知事提倡捐廉籌辦良可嘉慰查核簡章亦尙妥協應准備案併候熊督辦指令祇遵簡章存此令

附原呈

呈爲呈請事案奉訓令籌設災民留養所以及開設粥廠事關災民生活均經遵令分邀各災區自治董一再籌商曾由知事提出動議以留養所與粥廠同一拯救德政若開設粥廠必須擇定適中地點聽民流行就食倘遇風雪村庄散漫往返艱難如留養所係固定之區老弱男婦均無跋涉之虞得加變通併合辦理尤爲萬全各自治區董極端贊成以是分頭籌備無奈良地瘡苦又值災稜之餘集款誠匪易事以致進行稍緩現序入嚴冬迫無可待環顧災黎難安寢饋擬即由知事捐奉籌備併設災民留養粥廠一處設於城內縣公署東面即令警佐爲該廠主任員担任設置看護一切事宜訂立章程分派各區董介紹仍許災民直接來廠報名經主任員審核後即得留養在廠正在進行在城商店均表示樂助經費善意知事欣然歡迎前已於一月二

十三日先行開辦除將章程公告外理合開具清摺備文呈請鑒核立案誠爲公便除分呈督辦外謹呈
謹將籌設災民留養粥廠擬訂章程開摺呈送鑒核

今 開

第一條 本廠遵照奉頒災民留養所大綱參加粥廠辦法籌固定所址以免風天雪地之中扶老携幼就食
艱難故名爲災民留養粥廠

第二條 本廠地點設於公署東面以舊時警察教練所改置遵照奉定大綱第七條區分男女兩部

第三條 本廠屋舍無多暫定人數以百名爲額如有增添另行擇地擴充

第四條 本廠所需經費如食品柴草各項除由商鋪認捐外概由縣公署籌備倘將來人數溢額經費不敷
再行遵令呈請督辦京畿一帶水災河工善後事宜處補助以資救濟

第五條 本廠自七年一月二十三日即陰歷十二月十一日開辦計至三月六日即陰歷正月二十四日節
交驚蟄東作方興爲限屆時察看情形如有必要繼續之處得酌量延長最遲於清明節裁撤

第六條 本廠留養酌照大綱第一條規定均以老弱男婦力難就賑者爲限其幼稚男女仍另案由縣公署
送入京兆慈幼局收容

第七條 本廠留養放粥各事宜已委任縣警察所警佐辦理並率警看護一切廠中留養男婦務須服從指
揮

第八條 本廠辦事規程及看護規則另訂核定公告之

第九條 本章程如有未盡事宜得隨時修正呈請備核

第十條 本章程於呈奉核准之日施行

批寶坻縣人王如恪呈請轉呈簡員會勘修治潮白北運辦法文一月三十一日

呈悉此案前准熊督辦處咨復業經令飭該縣轉行遵照矣京畿河工既蒙 大總統特派熊督辦籌辦在案所請轉呈簡員會勘等情應無庸議此批

批前安次縣講演員董連秀等呈為講演機關無形消滅請澈查文一月三十一日

呈悉據稱各節是否屬實候令行安次縣查明具復核奪此批

批薊縣人翁士權呈為所長乾沒公款偽造計算請查辦文一月三十一日

據呈各節片面之詞碍難憑信仰候令該縣知事詳查復奪此批

批灰行伐表姜凌雲等呈為成興順灰棧違章破壞公益請查辦文一月三十一日

呈悉查徵收牙稅係由財政廳主管究竟此案原定代徵章程如何本署無案可稽仰候令知該廳查明核辦可辦可也此批

批良鄉縣人邢永寬呈控汎弁李蘭榮不給料價請飭速償文一月三十一日

呈悉此案吳芹呈訴到署業經明白批示並行永定河防局轉飭遵辦矣仰即知照此批

寶坻縣人鄧士瑞呈為仍請調查河工印冊飭縣秉公判決文一月三十一日

呈悉案已飭縣公判應即回縣聽候判決未經縣判不得提起訴願此批

批克王府晏森呈爲請飭宛平縣發給保獲地產佈告文二月一日

呈悉已令知宛平縣知事查明妥爲辦理矣此批

批德張氏呈爲遺地有着請飭安次縣知事嚴追文二月一日

呈悉此案既經大理院判決未據抄呈判詞無憑飭催仰將全案判決書錄送再行核奪此批

批懷柔縣人曹榮緒等呈控鐘振英等運動不遂誣控縣長文二月一日

呈悉已於劉永瑞等呈內批示矣此批

批懷柔縣人劉永瑞等呈爲王知事辭職請准挽留文二月一日

據呈已悉王知事因病一再辭職已予照准業派田知事蔭培接替矣仰即知照此批

批密雲縣人朱爾興呈爲鄧希孟因道路糾葛一案請飭縣訊辦文二月二日

兩呈暨抄件均悉查此案前據該民呈稱提叙刑事並抄判本等情到署業經批示候令行密雲縣依法辦理在案據呈前情除再令行該縣迅予辦理外仰即知照此批

批懷柔縣人杜文繡等呈爲聯名公保王縣長留任文二月二日

據呈已悉王知事因病一再辭職已予照准業派田知事蔭培代理矣仰即知照此批

批三河縣人劉永泉呈爲侵佔官道妨害公安清查辦文二月二日

據呈訴願書暨抄件均悉當即令行三河縣知事查照依法呈復並將此案卷宗送署以憑核辦去後茲據呈復內稱查縣民汪永清與劉起雲爭道涉訟卷宗因劉起雲之子劉永泉抗告於民國六年十月十一日奉京師高等審判廳令調全案卷宗於十七日呈送過廳迄今尙未發還等情前來是此案該民既經在京師高等審判廳抗告自應聽候廳示辦理前情合亟批示遵照此批

批本行代表王鳳五呈爲通縣關帝廟私產涉訟一案文一月五

呈悉查此案前據該代表呈訴到署業經明白批示遵照縣判在案據呈前情該代表如果不服縣判即逕向該管法庭上訴可也此批

批通縣人左寶善呈爲禮房積壓判詞私行差帶請查辦文二月五日

據呈通縣書吏董鳳岐積壓判詞私行差帶等情案關在官人役舞弊違法處均應澈究仰候令行該縣澈查呈復核奪此批

批于獻墀呈爲三河屬圈地請飭查減糧額文二月五日

呈悉該民人祖遺地畝既於五年分具報升科應納糧銀究竟已納若干據稱地屬沙城當時何以並不聲明糧賦爲國家正供如延不完納即應照章處分姑候令行三河縣知事會同清查官產分處查勘明確分別辦理該民人即赴縣將應納糧長加數完納毋延此批

批懷柔縣人劉九山等呈爲劣紳劉崇仁等積惡多端請查辦文二月六日

公牘

呈悉該民人所控各節已於前呈令縣查案秉公核辦仰速投案質証候縣訊判依法辦理此批

批楊殿英等呈為購運硝磺准陸軍部函准予分別填發護照文 二月六日

查該商等呈請購運直隸山西硝磺分運京兆各屬銷售一案茲准陸軍部函開查該商由山西太原府王封山每次購磺二萬觔分運宛平房山霸縣永清各五千觔既據查明保證屬實且於地方尙無窒碍自可與杜春齡之案一律隨銷毋庸開設興隆磺行至硝雖與磺同惟向未准商人販運且新城雄縣有無硝觔該商是否零星收購抑或由何局所行號收賣均未聲明碍難照准除將購運晉磺准予分咨征放外相應函達查照分別填發護照至運硝一節仍希飭令該商切實查明聲復再行核辦等因准此合行批示該商遵照部指各節聲復以憑轉咨核辦並將運磺護照先行來署具領查照直隸運磺取締規則分別起運可此批

批通縣人吳國鼎呈為順義縣納糧不收紙幣請批示文 二月七日

呈悉查此案業據財政廳呈復已令行該縣確查未據復到等情當經嚴令迅速查復在案應俟復呈再行核辦至該生應納國課仰候令行該縣遵照新定搭解現金辦法切實核收並仰赴縣完納可也此批

批三河寶坻等商會呈明裁撤船捐永不恢復辦法文 二月七日

據呈已悉該商等為維持教育情甘捐助寶薊中學校經費大洋一千二百五十元實屬熱心公益所請裁撤船捐永不恢復一節應即照准併將本公署佈告行縣按鎮頒發仰將捐款照數交由該校收取可也此批

批三河縣人周廷祿呈為設計損害債請令權押追文 二月七日

呈悉此案業已判決候即令行三河縣依法執行仰速投案候訊毋延此批

批懷柔縣人劉九山等呈請將劉崇仁等提交法庭審辦文二月七日

兩呈並悉案已令縣秉公核辦呈復察奪劉永成等果係同惡相濟自應由縣依法訊究所請管轄提交法庭審訊本公署未便違法處理仰仍遵照前批投案質証靜候縣判毋瀆此批

批順義縣人翟俊呈請飭縣照章施行拘攝文二月七日

據呈已悉已令催順義縣迅即依法辦理矣此批

批三河縣人郝禮章等呈爲查災不實放賑不公等情文二月七日

據呈已悉查該縣呈報災歉分數清冊內稱韓家庄係歉收三分並經覆勘相符有案凡各該縣災歉勘明在五分以下者例不查賑所請應無庸議此批

批鴻商審子衡等呈爲公賣定章酷苛請更訂文二月八日

呈悉查燒酒普通公賣章程業經公賣局報部備案現在試辦時間該代表等所陳困難情形是否屬實候令行菸酒公賣局查復具復察奪此批

批董穰昌呈伊父董穰沉在差病故請給卹文二月八日

據呈稱該父在差病故身後蕭條請予給卹等情應予照准仰即查照文官卹金令施行規則第四條各項開具清摺呈送到署以憑查核轉咨銓叙局辦理此批

批韓述猷呈爲京兆必須設立總商會之理由並附章程文二月八日

呈暨章程均悉仰候據情咨呈農商部查核覆到再行令遵此批

批留日學生路毓禮呈請發給學費文二月八日

呈悉查該生留東學費直隸既經停發所陳困苦自係實在情形所有自六年九月起該生應支官費准暫由本公署設法墊發先行滙寄日金三百元併候列入七年度預算以便源源接濟俾竟全功其本公署墊發之款即陸續滙由徐經理員轉發仰隨時就近領用可也此批

批三河縣人張國豐等呈爲案關刑事久不傳訊再請飭判文二月九日

呈悉查此案據該民等呈訴到署業經明白批示候令行三河縣傳訊判決在案茲據呈稱久不傳訊等情除再令行該縣迅即傳案訊判外仰即知照此批

批順義縣人李向榮呈爲知事違法妨碍稅務請查辦文二月九日

呈悉仰候令縣查復核奪此批

批楊家麒等呈請統籌隄款以一事權而弭水患文二月九日

呈悉查中亭河隄綿亘五縣界聯兩省此次修復原隄如果各辦各界自難一致進行所請兩省會商協籌工款通力合作等情頗有見地惟能否聯絡各縣消除界限及該堤隸屬於京兆及直隸境內者各需工款若干就地簿畫若干各須補助若干之處應由該堤董招集各縣紳董逐細勘估會議辦法即以五縣堤紳名義三

面分呈以憑會商核辦可也此批

批安次縣人馬萬和呈爲北七堵閉請委查保護文二月九日

呈悉查原呈並無鋪保且所稱名冊圖說又未據呈送前來無憑核辦仰再明白另呈候奪此批

批德張氏呈送全案判詞請飭縣訊追地冊附件文二月九日

呈暨判詞均悉查閱高密廳判決書認地畝爲該氏所有者僅五頃一十七畝一項該縣業已布告各佃戶交租至所稱下欠四十三頃八十三畝並未判決有案該氏藉端影射殊屬不是所請飭縣迅追地冊照交地畝之處應毋庸議判詞布告發還候領此批

批張全福呈爲范華庭勾串刑房私押請查究文二月九日

呈悉查此案前據該民呈訴到署業經令據順義縣查復呈稱前次提訊吳永發及村正副等供詞不符顯見捏飾吳永發係經審訊後當堂繕簽收押范華庭實無勾串刑房私將吳永發拘押之事並稱徐長報告吳永發有霸佔伊妻徐王氏各情事現正再傳范華庭暨徐長提同吳永發質訊分別核辦等情前來當經指令該知事提傳吳永發等分別質訊確情依法擬判在案此案自應聽候縣判該民毋得砌詞聳聽合亟批示凜遵此批

京兆財政廳公牘

京兆財政廳訓令二十縣知事本廳印製各種串票暨徵收糧租通知書仰即派差具領

公牘

並發征收流水簿式文一月二十九日

案查本廳前擬征收糧租暫行簡章並板串等式樣暨滯納處分方法於民國七上年上忙實行一案呈奉財政部京兆尹令准先將簡章及施行細則並原呈抄發遵照在案茲將各種串票暨征收糧租通知書一併酌定約數印製備發務即迅派妥差來廳領回查照原呈所擬辦法並簡章細則所載各條自七上年上忙起認真辦理至應用征收糧租流水簿亦即印發式樣由該縣用尋常帳簿依式登記此外一切手續均應按照章則逐節解釋實貼糧櫃處俾經收人及業戶一體通曉以免錯誤一面迅將實需各項串票通知書各數目及預計各種加納糧租三連收據數目於文到五日內開單呈報以便補發除分令外合行抄單連同簿式令仰遵照再現訂串票式樣係照財政會議議決之案各項糧租悉歸納於地丁租課二項之內該縣凡每銀一兩折征銀幣二元三角之糧租應均用地丁串票凡每銀一兩折征二元之糧租應均用租課串票其舊有類別即由該縣於串票年月日下另編號數備查可也此令

◎ 公 電 ◎

本公署查疫委員左少瑩快郵代電 二月二日

內務部總次長暨防疫委員會京兆尹鈞鑒少瑩叩辭後遵即馳往湯山按戶逐一檢查並未發生時疫湯山公司內僅曹總長在此養疴因屆舊歷年終此外並無旅客英文報自係訛傳南口鎮亦經少瑩會同昌平縣知事翁之銓逐細按戶檢查亦無疫症查該鎮係歸直隸延慶縣及昌平縣管轄少瑩已會同翁知事電達延慶縣知事商酌辦理王委員已到此會晤刻又會同縣委至南口鎮設備一切並擬將防疫利害暨必須施行各項辦法再三開導俾少誤會而資防預先此電聞餘容續稟左少瑩叩冬

公電

二十九

● 附 錄 ●

京兆警隊總司令處執法科科長左少瑩呈內務部條陳鼠疫流行豫防方法

呈爲謹陳管見伏乞採擇事竊維鼠疫一症西名百斯篤或作配司脫又名黑核核疫核子瘟謂由鼠疫之虱傳染而成其繁殖之劇烈播傳之迅速大有一日千里談虎色變之勢往往朝爲健康之人暮則臥病垂危竟有至於不起者曩年杭垣之疫瀉流行東省之死亡枕藉其先事也故東西醫學家咸以此病與霍亂腸熱病等視爲一體統稱之曰急性傳染病而豫防之方大抵不出海港停留交通遮斷撲殺消毒諸法獨於治療一事語焉不精擇焉不詳一時群相驚駭幾若鼠疫一症得之則死非藥石可以施拯也不知此症散見於中醫書中雖名目不同其實病狀脈象以及治療藥方前人之述備矣無如時毒症蝦蟆瘟症大頭瘟等病皆與鼠疫恰合特不學無術者漠不經心驟易一鼠疫之名遂自爲最新最奇之病死者接踵罔堪憫悲治者無方更可齒冷少警昔任民政部測繪學堂教員時適同鄉林君在東省充豫防委員函詢此症源委當經參酌古方轉告一切林君傲而行之活人無算丁茲鼠疫蔓延之時蒙以爲公衆衛生個人衛生固應亟亟講求萬一爲衛生猝不及防於維持生命緊要之際有自窮其術者勢必齟齬以代爲之術則治療各法非素有研究確有心得一旦暗長潛滋暴發不已將如之何爲此謹就管見所及參以古今各方證以經驗所得於斯症源源本本一一說明俾豫防者得所依據而施治者不至束手則區區究醫濟世之心盡矣謹呈

謹將鼠疫豫防治療善後三法繕具清摺恭陳鈞鑒

西人防疫如臨大敵然其潔飲食慎起居有與中醫如出一轍者在焉素問云飲食有節起居有常不妄作勞故能形與神俱又曰恬澹無爲真氣從之精神內守病安從來此即防疫之先導亦金匱上工治未病之遺意也衣食住三者爲生人必要之需欲謀公衆衛生盍先即此而加之意耶

(天) 豫防法

(子) 飲食

(一) 宜多食植物品少食動物品

按蔬菜水果米飯麪包之類植物是也猪羊牛肉雞鴨魚蝦之類動物是也動物之肉多含毒質且多滯膩鼠疫由地濕蘊蒸釀爲疫癘地氣薰蒸及鼠由鼠及人人感是氣結於營分而爲癘動物多食則人身中血液濃濁毒質蘊隆最易助濕且易傳染故宜少食之

(二) 煮煨飯粥宜用江河清水濾過煮沸之若不通潮流及城市井水近於陰溝廁所之地重濁陰凝最不宜用

(三) 隔宿所剩茶飯如有色味變異者尤不宜食

(四) 禁食臭味

例如臭豆腐乾臭腐乳臭醃肉臭醃蛋等味固美矣如臭滷所侵穢毒寔深何謂予不信試以銀筋插入色即變爲黃黑其毒可知鼠疫者毒類也禁則庶免同氣相感

(丑) 居室

(一) 凡臥室廳堂天井大門外後門外均宜灑掃潔靜不可容積穢物及糞臭土水

(二) 室中器具如几案椅子之類均須洗抹清潔

(三) 窗牖塵積宜常掃除且宜不時開放以便透日通氣

(四) 黑暗潮濕之處不宜居住

(五) 陰溝廁所宜疏通刷洗更宜澆以石灰水石炭酸水

按石炭水與西藥臭水皆為消毒之具依化學的作用研究殺菌之力有同等之效果如一%石炭酸水經一時間二分之一%之石炭酸水經二時間其力均足殺菌是也然以經濟耗貨論自以用石灰水為

近是

(六) 室中有鼠宜養貓捕之

(七) 廚房宜收拾潔淨勿得地面拉圾防鼠竊食

按鼠竊食如未食盡流毒其中人食之易染癘疾

(八) 痰盂宜多備置且宜不時換水洗潔

(寅) 衣服

(一) 破衣敗絮宜不時翻移曝晒

接破敗衣絮中鼠多營巢最為癘疫媒介

(二)衣服被褥宜常時洗換被褥尤宜常曝日光

卯 起居

(一)每日宜潔水嗽口時常沐浴並剪去指甲以免蓄垢

(二)操勞不可太過每日須有一二小時休息餘暇

(地) 治療法

(一)鼠疫傳染之病狀

此症初起體倦頭痛發熱面紅心悶口渴或現結核咳吐黑血經一二日乃發淋巴腺腫脹疼痛即侵頸腋窩鼠蹊腺核小色白爲輕核大紅腫爲重若延至舌黑起刺狂亂抽搐體冷脈伏或現譫語則傷人最速

(二)鼠疫類似之病方

按鼠疫一疫中國古籍所無然有與此症相類者惟蝦蟇瘟病外科正宗之時毒症醫林改錯之惡核症蝦蟇瘟吳又可言之最詳時毒者謂因四時殺癘之氣感冒而成其患耳項胸腋驟成腫塊令人寒熱頭眩項強作痛與鼠疫一症不無相符西法專恃黑死病血法然以中法經驗所得大要治法不外活血清熱散邪解毒爲主王清任解毒活血湯用治鼠疫最爲中的試列如下

桃仁八錢 紅花 生地各五錢 赤芍 連翹各三錢 紫葛 甘草各二錢 當歸錢半 厚朴一錢 或加 蘇木 石膏各一兩

附錄

三十三

按此方如加兩頭尖爲嚮導之藥尤妙

加減法如下

(加法)

或渴或嘔逆加煨石膏或加竹葉石膏湯熱甚手足冷加紅花犀角羚羊

痰滯咽痛加瓜裏皮牛蒡子

譫語加大黃

臟結加承氣小便不通加木通車前子犀角羚羊抽搐重加紅花石膏羚羊

發斑加大青

疔疤加生菊花荷葉紫花地丁

疹癩加淡竹知母

(減法)

熱輕減柴胡葛根

舌潤不渴減石膏

孕婦減輕桃仁仁花加黃芩桑寄生

熱退病減服增液湯之類

時賢盧則鐘君舊傳飛龍奪命丹亦是此症的方如下

硃砂 二錢 雄黃燈草灰不燬人中白 八分 明礬青黛 各五分 梅仁麻黃 各四分 珍珠
麝香石牙皂 各三分 牛黃 二分 蟾酥火硝 各一分五釐 真金 三十頁 共研細末用涼
開水和服一分孕婦忌或以少許吹鼻

治鼠疫者須知內服各方如下

(一) 身有寒熱頭目昏蒙宜用辛涼透表之銀翹散

(二) 結核腫痛脹滿或吐或瀉宜用宣中化濁之霍香平胃散梔鼓湯加牛蒡子甘草

(三) 結核腫痛宜用疏氣活血兼予敗毒之仙方活命飲普濟消毒飲時補齋書載金泰和間多有病大頭
天行者醫以承氣下之不愈李東垣曰身半以上天之氣也今邪熱容於心肺之間而以承氣瀉其胃熱
是爲誅伐無過因處此方全活甚衆遂名普濟

時賢陸九芝君舉普濟消毒飲之治溫疫者以概清法其意深矣

(四) 發熱目黃胸滿丹疹泄瀉舌淡白或舌心乾焦者宜清氣分之邪用甘露消毒丹

(五) 壯熱旬日不解神昏譫語舌絳乾光圓硬津涸液枯宜清營分之邪用神犀丹

按醫效秘傳載雍正癸丑年疫氣流行撫吳使者屬葉香巖先生創製此方全活甚衆時人比之普濟消
毒飲云先生云時毒癘氣必應司天癸丑太陰濕土氣化運行後天太陽寒水濕氣合德挾中運之火流
行氣交陽光不治疫氣乃行故凡人之脾胃虛者即應其癘氣鼠疫病源既緣濕熱而成又值癸丑當年
恰與雍正癸丑情景相符以治鼠疫取效當自倍於他者

(六)煩渴譫語發斑宜清火涼血參以解毒如芫蔚湯犀角地黃湯解毒和血湯均可

(七)發斑不寐或昏睡或兩手撮空宜瀉熱救陰用紫雪白虎承氣等方

治鼠疫者須知外治各方如下

(一)視病人頭上如生紅髮必拔去有紅疔疔必挑破或胸背等處有長毛數根必盡拔之

(二)毒邪蘊結臟氣閉塞宜用痧藥通關散吹鼻取嚏繼以碗口蘸香油偏刮頸胸背脇肘肘髀腿髀等處

自上向下刮之見血跡乃止刮後有紫筋梗起或露紅點以銀針挑破出血並刺十指尖及百會少商尺

澤委中諸穴身有結核亦須針出患處惡血隨以蟾酥乳香蚤休毛慈藤黃輕粉梅片明雄月石硃砂雞

內金銀硝共研細末以萬應膏貼之

以上皆古今成方均可臨床加意隨証之合宜而酌用之庶乎乃克有濟

(八)善後法

(一)家中如有鼠疫病人須將小孩婦女等離開別居不可使之觸近

(二)服侍鼠瘟病人者宜距離病人稍遠如必須用手撫摩時即用肥皂淨洗庶免傳染

(三)有鼠瘟病人地方不可入此室處

(四)鼠疫病人不可使之入境

以上二項凡汽車檢疫船舶檢疫均括此

(五)鼠疫者之糞溺痰唾須深埋土中不可任意傾棄

(六)鼠疫者所用之手巾碗箸均須隨時洗滌

(七)地方遇有鼠疫病死者須用燒棄蒸汽煮沸藥物消毒等法除盡根株

(八)鼠疫傳染地方須實行捕鼠及搜索驅除鼠族之法

(九)遇有死鼠須即時掩埋掩埋時宜掩鼻防觸其氣如觸之急取逆風吹散之

以上所述皆預防鼠疫之要法亦任防疫行政者之所宜注意也倘蒙垂鑒採納布告通都大邑則裨益於衛生行政當匪淺鮮抑營更有進者古云大兵之後必有大疫今者陽氣不藏桃李反花南北交戰屍骸遍野而其殘屍之變爛更足爲疫癘之朕兆來春陽氣一升雨浸日曬散揚大地更恐疫癘蘊釀將有百倍於此者是又非僅鼠疫一症所當預防也曹植嘗言是歲癘氣流行家家有僵尸之痛室室有號泣之哀或闔門而殮或覆族而喪罹此者悉被褐茹藿之子荆戶蓬室之人耳若夫殿處鼎食之家重貂累蓐之門若是者鮮焉此乃陰陽失錯寒暑錯時是故疫生痛哉言乎

本報價目表 (均照大洋計算)

定價	零售訂	購
	每册每月四册半年二十四册全年四十八册	
一角三	角一元六角三	元

郵費不收

注 意

如郵匯不通之處無法
寄款者可用郵票作抵
(以三分之郵票為限)
惟郵票以九折計算

編輯所

京兆尹公署京兆公報處
(電話東局八百四十三號)

發行所

京兆尹公署京兆公報處
(電話東局八百四十三號)

印刷所

京兆公立第一工廠
(電話東局一一八五)

京兆新集利生紡紗廠生大鐵工機器 廠集粹自製顏料廠廣告

伏政思財困難係因工藝不興查市井百貨皆係外洋製造而來我國原料頗稱饒富必使外人運去做來於中之漏卮莫可勝計近數十年來財政益空仰借外債敷衍支持日積月壘前途何堪設想同是國民覆巢難忍籌思至再非興百工大倡實業不足以挽利權而固國基故同志等於數年前調查最優地點之新集創辦利生紡紗廠生大鐵工機器廠近又組織集粹自製顏料廠查此三種實為實業之要素挽利之大宗現已成立數年工藝純熟出品精良正擬大為擴充續招股本另有詳細章程以供索閱又蒙

王大京兆熱心實業飭令所屬各縣竭力提倡廣為招股在案夙仰

同志諸大君子痛念國艱實業關懷請速投資而觀厥成用告報端伏乞

垂鑒